

八瓊室金石補正

八瓊室金石補正卷五十二

太倉陸增祥撰

男 繼輝校錄

吳興劉承幹覆校

唐 二十四

孔子顏子讚殘石

高一尺五寸廣一尺四寸兩截十二行行上截十字下截存二字正書

猗歎夫子是有聖德其道 以及

可尊其儀不忒刊詩定禮 先聖

百王取則吾豈匏瓜東西 講堂

南北

搭御

顏回讚

官撰

御製

及天

杏壇槐

市

儒刻三千回也

望令

亞聖邛也稱賢四科之首

天下

百行之先秀而不實得無

異散

慟焉

勅旨

此後一行無字

大唐開元十有一年歲次癸亥五月

此行字較密

右孔子顏子讚殘石存百二字石不知所在前半

及下截均已闕佚如式錄之案金鄉縣學有此係

分書開元十一年八月上石此刻係正書五月上

石前於彼刻三月以彼刻證之前半當缺八行下
截奏勅每行當缺十三字再其下有無銜名不得
而知之矣下截奏勅弟四行搭御御字彼刻空二
格此刻不空以每行字數計之陛下聖造等字皆
不空格此奉詔分行天下諸州刻石之文何以簡
率若是弟五行官下撰上彼刻有所字與此亦異
又趙氏金石錄有唐老子孔子顏子讚李邕行書
開元十一年十二月立竊意當時諸州多有是刻
德甫只見其一近時搜出者亦僅二本而金鄉一
刻尙未得拓本容再補之

賢力毗伽公主阿那氏墓誌

方一尺八寸廿三行行廿二字
字徑六分正書有界格在長安

唐故三十姓可汗貴女賢力毗伽公主雲中郡夫人阿

那氏之墓誌

并序

駙馬都尉故特進兼左衛大將軍雲中郡開國公踏沒
施達干阿史德覓覓

漠北大國有三十姓可汗愛女逮冊賢力毗伽公主比
漢主公焉自入漢封雲中郡夫人 父天上得果報天
男爰厭聖天骨咄祿默啜大可汗天授奇姿靈降英德
君臨右地九姓畏其神明翦居左社十二部忻承美化

貴主斯誕天垂織女之星雄渠作配日在牽牛之野
屬家國喪亂蕃落分崩委命南奔歸誠北闕

家聲犯法身入官闈

聖渥曲流齒妃嬪之倖女

住

天恩載被禮秦晉於

家兄家兄卽三十姓

天上得毗伽煞可汗也回承

叔澤特許歸親兄

右賢王墨特勤私弟兼錫絹帛衣服以充糜用荆枝并
合望花萼之相輝堂棣未華遶風霜之凋墜春秋廿有
五以大唐開元十一年歲次癸亥六月十一日薨於右
賢王京師懷德坊之第以其年十月癸巳朔十日壬寅
葬於長安縣龍首原禮也天漢月銷無復雜樓之景星

河發散空餘錦帳之魂男懷恩兄右賢王手以斯斷鷹
行之痛于深昧下長違烏哺之情永絕雖送終之禮已
啓松塋而推改之俗慮爲蕪沒撫貞石以作固鑿斯文
以爲憑庶海變可知田移物或其詞曰

倏辭盡園永跡荒墳人生至此天道常論日催薤露風
急松門千秋萬古寂寞孤魂

史稱突厥之先爲阿史那氏匈奴別種也唐初降蕃
有阿史那咄苾阿史那什苾阿史那社尔皆刻其像
於昭陵又昭陵陪葬功臣有阿史那忠皆公主之族
也誌稱阿那氏者省文也默啜唐書突厥部有傳載

其兄曰骨咄祿誌稱公主父曰骨咄祿默噉似合兄弟之稱爲一人而傳稱默噉子毗伽之妻曰骨咄祿婆匄可敦則骨咄祿又似是突厥通稱矣開元初突厥亡國歸附中朝公主之婿覓覓以犯法伏誅朝命改嫁伽煞故誌云家國喪亂委命南奔家弭犯法身入宮闈弭即婿字家婿謂覓覓也又云禮秦晉於家兄謂其改嫁伽煞也其稱伽煞爲家兄者撰文者爲伽煞之弟而公主之小叔也公主之子曰懷恩唐書叛臣傳有僕固懷恩鐵勒部人舊書載其父曰乙李暉拔新書曰乙李暉顏魯公撰臧懷恪傳載懷恩父

曰設支皆無伽煞之稱未知此誌懷恩卽僕因懷恩
否誌中棠棣作堂棣勿惑作物或花萼上脫望字

古誌

石華

右墓志廿三行行廿二字正書字徑寸許縱橫有界
格吳門葉紉之得舊拓本攜以示予因錄入此唐外
國公主之墓志也唐代深受蠻夷之患而突厥爲古
匈奴之北部新唐書突厥傳謂居金山之陽臣于蠕
蠕種裔繁衍至吐門遂疆大更號可汗猶單于也又
謂突厥國於後魏大統時通志氏族略阿史那氏下
則云夏氏之裔居兜牟山北人呼爲突厥窟歷魏晉

十代爲君長後屬蠕蠕阿史那最爲首領後周末遂滅蠕蠕霸彊北土蓋百餘年此墓志所稱賢力毗伽公主之父天上得果報天男突厥聖天骨咄祿默啜大可汗者以史傳攷之乃武后時骨吐祿可汗之弟也天授初骨咄祿死默啜自立爲可汗篡位數年大肆寇略武后命十八將軍合兵擊之旋因契丹反默啜請擊賊自効乃詔受左衛大軍軍歸國公冊拜遷善可汗後又特進頡跌利施大單于立功報國可汗未及命又攻略爲屯將所敗遣使謝請爲后子復言有女願女諸王且求六州降戶又請粟田種十萬斛

農器三千具鐵數萬斤由是突厥遂彊自將十萬騎
進擊諸州殺掠無敵默啜負勝輕中國有驕志地縱
廣萬里諸蕃悉往聽命歲入邊戍兵不得休長安三
年遣莫賀達干請進女女皇太子子又獻馬千匹謝
許昏后渥禮其使中宗即位又入攻略帝詔絕昏睿
宗初立又請和親詔取宋王成器女爲金山公主下
嫁元宗立絕和親乃遣子揚我支特勒入宿衛固求
昏帝未報景雲中默啜屢擊葛邏祿等詔在所都護
總管犄角應援其勢寢削默啜討九姓九姓潰思結
等部來降帝悉官之又詔都督等共圖取默啜默啜

又討九姓拔野古大敗之默啜輕歸不爲備道大林
中拔曳古殘眾突出擊默啜斬之乃與入蕃使郝靈
佺傳首京師骨咄祿子闕特勒合故部攻殺小可汗
及宗族略盡立其兄默棘連是爲毗伽可汗毗伽可
汗性仁友讓於闕特勒闕特勒不敢受遂嗣位寶開

元四年以闕

此與上二闕
字史皆脫

特勒爲左賢王專制其兵

又遣使請和帝不許下詔伐之乃以諸道總管都督
及左武衛大將軍骨篤祿毗伽可汗突厥默啜子左
賢王墨特勒左威衛將軍左賢王阿史那毗伽特勒
等蕃漢士悉發凡三十萬此史傳所載之大略也元

宗本紀云開元四年六月大武軍子將郝靈佺殺突厥默啜今墓志作於開元十一年其去默啜死已七年矣文中所云頃因家喪亂蕃落分崩委奔南命歸誠北闕家聿即婿犯法身入宮闈聖渥曲流齒如嬪

之倖女住者蓋因默啜寇亂被斬闕特勒盡殺小可汗及宗族其婿亦在其內而公主則沒入宮中也文前所列之駙馬都尉阿史德覓覓即其婿也因已被殺故云故特進其下云兼左衛大將軍雲中郡開國公者似是唐所授之官爵公主之封雲中郡夫人同故文云自入漢封雲中郡夫人阿史德覓覓蓋先曾

投誠于唐者也史言高宗時突厥降唐始置單于都
護府領狼山雲中桑乾三都督麟德初改燕然爲瀚
海郡都護府領回紇徙故瀚海都護府於古雲中城
號雲中都護府磧以北蕃州悉隸瀚海南隸雲中是
也達干乃突厥大臣之稱踏沒施當是其部落名墓
志又云天恩戴被禮秦晉於家兄家兄卽三十姓天
上得毗伽煞可汗也攷史傳言默啜爲骨咄祿之弟
又言骨咄祿子闕特勒立其兄默棘連爲毗伽可汗
又有骨咄祿毗伽可汗而此文默啜大可汗上亦云
聖天骨咄祿可見骨咄祿乃其部落之名矣豈以骨

咄祿先爲人名而後即相承用此三字別爲部落歟
毗伽似亦是部落名毗伽煞非即默棘連也傳中言
右武衛大將軍毗伽可汗左威衛武軍右賢王阿史
那毗伽特勒皆有毗伽之名毗伽之名恐起於開元
四年默棘連爲可汗之時乃亞於骨咄祿之輩故默
啜之女稱毗伽公主而以毗伽煞爲家兒也蓋毗伽
煞後與唐和好公主因得出宮故墓志下文云因承
獻澤特許歸親兄右賢王墨特勒私第而史傳云默
啜子左賢王墨特勒左與右字形相似恐史之誤文
兩言右賢王皆作右自當以石刻爲正而特勒則突

厥可汗子弟之稱也明是石刻亦因字形相似而革
旁下誤多一畫耳墨特勒蓋亦歸唐者故後與伐默
棘違而有居第于長安也攷宋敏求長安圖志懷德
坊乃皇城西第三街朱雀橋西第五街之第六坊而
圖志失載墨特勒之宅毗伽公主墓亦遺之又攷突
厥傳云突厥阿史那氏而元和姓纂云阿史那氏開
元中改爲史通志略云至處羅蘇尼失等歸化號阿
史那唐開元更爲史氏趙德甫金石錄跋阿史那忠
碑以忠卒于上元二年據姓纂疑唐書列傳言忠尙
宗室女定襄縣主始詔姓更著史之誤中溶攷姓纂

未詳改史之由而此墓志正作於開元中文內既不詳其氏而標題稱阿那氏無史字其駙馬稱阿史德覓覓又無那字竊疑阿史那忠乃當時奉詔獨著史具全族不能皆改爲此姓此公主但稱阿那駙馬又但稱阿史似皆因阿史那忠有奉詔改史之事而故爲避去異之也則史傳之言未盡無因惟阿史那忠碑文多殘闕其詔改之有無文無可攷而碑額尙完好猶稱阿史那府君爲可疑或詔改阿史那爲史尙在阿史那忠之後別是一人耳墓志無撰書人姓名其文與字皆不俗惟中多錯誤及不正之字墨特勒

之勒誤爲勤外如漢公主誤倒爲漢主公宮闈之宮
誤官田移物或當作田移勿惑或惑古可通而以物
爲勿則未之見也此皆其傳刻舛繆之顯然者突厥
傳但稱其部落有九姓十姓等文而無三十姓可汗
又天上得果報天男云云蓋其國族相尙之語亦傳
所未詳皆可以補史之闕略而廣異聞者也後又讀
金石錄唐右神武將軍史繼先墓志跋言曾祖牟兩
可汗祖墨噶可汗諱瓌父墨特勒諱逾輪肇歸皇化
封右賢王又云繼先元宗時爲左金吾衛大將軍酒
泉郡太守河西節度副使肅宗初知神武軍事賜姓

史氏卒建中元年按唐書突厥傳載墨噉子孫事甚略墨特勒歸朝及繼先賜姓等事史皆無之又史云墨噉而墓志作默史云墨特勒爲左賢王而墓志作右賢王皆當以墓志爲據元和姓纂紀史氏亦不載繼先名故詳錄之中洛案據史繼先墓志知墨噉及墨特勒之名其封右賢亦足證史作左之誤默墨音同夷語無定故此志作默亦與史同史繼先卒於德宗初建中元年而云肅宗初知神武軍事賜姓史氏及唐書阿史那忠傳謂忠尙縣主詔更姓史之誤益顯然矣阿史那忠卒于肅宗上元二年在史繼先卒

之前十九年蓋其時阿史那忠竝未賜姓史氏故其

碑額猶稱阿史那府君云

古泉山館金石文編

右賢力毗伽公主阿那氏志在長安補寰宇訪碑錄以爲在長沙誤矣齒如嬪之倖女住住字不可解當是後人所妄鑿者下淑澤字空三格天恩字當亦同之古誌石華跋云花萼上脫望字而於主公官闈之誤絕不言及此本卻有望字其誤處與瞿跋所言同豈此誌有翻刻本邪案新唐書帝紀開元四年六月大武軍子將郭靈佺殺突厥默啜公主入唐當在其時也

少林寺柏谷塢莊碑

開元十一年十一月四日
萃編載卷七十四

四月世日

在御書碑
末失載

折夫人譙郡君曹氏墓誌

高一尺二寸三分廣一尺二寸八分十七
行行十七字字徑四分正書在咸甯裴氏

曹氏譙郡君夫人墓誌銘

并序

夫嚴霜瘁草獨歎蘭摧驚飈拂林偏傷桂折人誰不死
嗟在奩賢伊賢者何譙郡君夫人是也夫人曹氏諱明
照曾祖繼代金河貴族父兄歸化恭惟玉階惟孝惟忠
允文允武夫人柔馨在性婉淋呈姿妙紉組於閨闈潔
蘋蘩於沼沚年十有八適左驍衛將軍

折府君

爲命婦六禮馭備四德凝姿孟氏母儀宗姻酌其訓曹
家婦禮里閨捐其風豈謂石破山崩奄從傾逝以開元
十一年十月八日終於居德里之私第夫人春秋不惑
即以其年十一月廿三日遷窆於金光坊龍首原之禮
也慮樹履千年人移百代式刊方石乃爲銘曰下空
天街旣形髦頭有經々緯相汁夫人誕靈如何孤應危
露先傾悼逝川之不返敢平生而著銘

志中喪作奩儀作儀揖作指春秋不惑年四十也惑
作或與前賢力毗伽公主志後戚高志並同又聖教
序集王字本能無疑或者哉亦以惑作或蓋或本域

字後人加土作邦域又加心借作疑惑而或之本字
遂專爲或人或曰之用在經史中惟孟子無或乎王
之不智也及前漢書賈誼服鳥賦眾人或或之類尙
未加心餘皆作惑矣銘曰經緯相汁汁即叶字用張
衡西京賦五緯相汁語又史記麻書太歲在未曰汁
洽周禮注黑曰汁光紀顓頊食焉皆以汁爲協叶字
左思吳都賦謠俗汁協律呂相應亦以汁爲叶也禮
也上衍之字說見前杜某志文曰恭惟玉階玉階當
是曹氏父兄之名號

古誌
石華

按譙郡君曹氏爲折斤君夫人折氏之著於史籍者

後漢有折國折像國爲鬱林太守生像通京氏易見

方術傳

元和姓纂引作析顏氏家訓高柴析像未知內教皆能不殺亦作析本後漢書後梁

析嗣祚碑則云魏孝文之後爲唐盾隴西氏又有武

德中詔府谷鎮遏使之語參考折克行碑及五代宋

金諸史知折氏起於唐初世捍邊郡借此左驍衛將

軍未著其名也夫人終于居德里窆於金光坊宋長

安志朱雀街西第五街即皇城西之第三街從北第

四居德坊南街西出通金光門坊金光即唐城之正

西門當居德坊西南里第與墓正相近也婦人碑志

前題書法不一有書某官夫人某氏者如泰始八年

晉任城太守夫人孫氏之碑大業十一年隋故太僕卿夫人姬氏之志是也有書某官某某妻者如延昌三年魏代揚州長史南梁郡太守宜陽子司馬景和妻墓志銘是也有書某官某某妻某縣君某氏夫人

者如大唐故冠軍大將軍代州都督上柱國許洛仁

妻襄邑縣君宋氏夫人墓誌是也

未書卒葬年月當在上元儀鳳間

有書某官某某妻某夫人者如僞周長安三年故司

稼卿上柱國□□□杜夫至墓誌是也有書某官某

公故妻某氏者如開元四年大唐太常協律郎裴公

故妻賀蘭氏墓誌銘是也有書某官某府君夫人者

如開元廿六年有唐故杭州錢唐縣丞殷府君夫人
碑是也有書某官某府君夫人某郡某氏者如永貞
元年唐故雲麾將軍河南押衙張府君夫人上黨樊
氏墓誌銘大中四年唐故右內率府兵曹參軍朱府
君夫人南陽樊氏誌銘是也有書某官某公夫人某
氏者如元和九年唐故河南府司錄盧公夫人崔氏
誌銘是也有書某郡某君夫人某氏者如元和十三
年唐故東莞臧君夫人周氏墓誌銘是也有書處士
某公夫人者如會昌三年唐處士包公夫人墓誌銘
是也有書某府君夫人某氏或某氏夫人者如大和

七年唐胡府君夫人朱氏墓誌銘會昌四年唐故尹
府君朱氏夫人墓誌銘是也有書某君故夫人某郡
某氏者如大中四年唐陸君故夫人富春孫氏墓誌
銘是也是皆統於夫者其從父稱者則開元三年將
作監主簿孟友直女墓誌其從子稱者則永徽三年
房仁裕母李夫人神道碑是也有冠以夫姓者如會
昌五年陸君夫人何氏墓誌銘題唐故陸氏廬江郡
何夫人大中九年陸君夫人劉氏墓誌銘題唐故陸
氏劉夫人大中十年內寺伯彭城開國劉公夫人霍
氏墓誌銘題唐故劉氏太原縣君霍夫人又貞元二

十一年唐故許氏夫人祈氏墓誌是也有止稱婦姓

者如范如蓮花歸王察而誌題大唐故范氏夫人

天寶

三年豫章郡萬夫人歸閻氏而誌題故萬夫人

大中年是

也有稱婦姓而及其郡望者如天寶六載唐故義興

周夫人墓誌銘貞元八年大唐故清河張夫人墓誌

銘開成三年故天水姜夫人誌銘大中九年唐故下

邳郡林氏夫人墓誌銘是也有但稱夫人某氏者聖

歷三年夫人袁氏權殯志是也此志前題曹氏譙郡

君夫人書婦姓并書封郡與他志異嘉慶二十五年

十月出於長安西鄉咸甯裴脩甫購得之乞爲考證

春秋不或或與惑通用論語以四十爲不惑以三十爲立年唐人習用者

金石續編

論語崇德脩慝辨惑釋文云惑本作或大戴記吾恐其或失也注云或猶惑也皆古作或之證猷作馘偃作復黃氏未舉其錄閨闈作閨門誤

少林寺賜田敕

開元十一年十二月廿一日
萃編載卷七十四

舉者使中書令

舉者誤
東都

武德八年牒稱陝東道大行臺尚書省舊唐書高祖本紀武德四年十月加秦王天策上將領司徒陝東道大行臺尚書令至九年六月太宗立爲皇太子而

陝東大行臺始廢

平津讀碑記

襄州刺史靳恆遺愛幢

高五尺四寸八面面廣九寸六行行四十字字徑寸許正書在湖北襄陽羊公祠前

唐故襄州刺史靳公遺愛頌

此下隱隱尚有字蹟而不可辨

此行當是撰書人姓名漫滅不可辨僅存一恒字在二十廿一兩格之間

江漢間州以十數而襄陽爲大舊多三輔之家今則一

都之會故在晉稱南雍在楚爲北津厥

錄龐雜亦云雜

理而前此領郡鮮能安人或寬或猛或拘或抗跡多弗

類俗亦弗甯

是以

下空

天子念與我共理而

公受頒條之寄矣公名恒

字子濟其先

西□人也祖師

幽州長史父禮庭奉天

尉

監察

御史代不苟合義在難進雖無充量之位而有積

積

善之烈矣

公性持重有器望即温而

聽屬動敬

而居簡度

量可以

軌物德義可以

服人而先

王

遺言

率

由好學君子

行

道必本忠恕浚源

水潔勵翼雲翔故一

舉爲拾遺已有遺致

三人

爲御史偏然正色當時知

音

謂

且大用而尙書理本即官

選才

亟踐諸曹

克厭

羣議

及出

典外郡遂

佐

益州攝

御史中

丞都督

西南軍事原

軫迆將豈唯上德翁歸中立實兼文武先是兵連蠻徼

歲轉軍儲擾我公私費以巨億

公乃急其所病

思有以易之建大田於雲南罷饋糧於巴蜀向之踰重

阻冒毒

瘴負擔

以踣

斃垂餌於

剽掠

者每十五六及

公庭績盡境賴全至於是邦也政實

有素今也

惟

行不

違其方以索其極莫

不教之誨之

優

之柔之

從者

善之否則威之先德後刑端本肇末物知所勸事則有

經率

訛者衆多變薄爲厚感惠者深遠既和且均夫然

人斯耻格

庭

少爭訟

參

佐閑

拱

屬城晏如其始也一年

而政成其終也三年而頌盈愛之如父母畏之如神明

開元十一年

以

理迹尤異廉使上達

空下

天子嘉之稍遷陝州刺史暨解

印

去郡攀車盈塗或借

出無緣而

人吏遮道或瞻望弗及而老幼啼呼如是者

五里已終朝十日乃出界而皆有言曰捨我何之及聞

公之喪哀可知矣市爲之罷春以之輟惠愛之

結深古今之感一蓋爲仁由已而遺德在人者其若是

乎郡中士大夫與門生故吏聚族而議德是以刻石

立紀彼鮑陽之陋墮淚成碑此峴山之績頌曰

英英靳公宣哲秉彜爲我髦士作人元龜倜儻大節磊

落落詞人亦有言天寶資之御史直繩郎官高遷動必

兼選能皆再踐糾遏邦厯彌給事典遂及我人化流焚

河激勵素風抑揚善政約已爲法急人所病物固推誠

事匪忘敬感被

於下仁明在詠舉

德不鮮涉道載深穆

然清風慕其遺音斯公既沒厥迹可尋

勒石是圖以慰

心

下空此後一行莫辨其有無字蹟

右計四面其弟五弟六弟八面全泐絕無一字可辨惟弟七面存明典二字人思二字又嘉字下半耳約是七行

刺史靳恆遺愛頌張九齡撰高恆慈書開元十一年

立在襄州

寶刻類編

唐刺史靳恆遺愛頌并陰張九齡撰高慈正書開元

十一年立碑陰述羣官陪靳史君登岷山紀文

寶刻叢編

引復齋

碑錄

池北偶談記峴山一石幢卧地上其文可辨者十字
曰石於山顛播清芬而不已末云開國男張九齡撰
乾隆乙卯移植羊公祠中榻而視之即遺愛頌也此
幢凡八面前四面六行行四十字而此文裁七百四
十一字殆係全書而院亭所辨之字不在焉後四面
漫漶無一字存者豈阮亭但見其後面不見前邪靳
公今本文苑英華誤作斬他書亦有公其誤者今在
羊公祠西廡壁間

湖北通志
北金石存佚考

此文凡七百二十字可辨者僅四百三十二字今據
文苑英華補其闕文其先西□人也英華作其先某

人也代不苟合英華代作世豈唯上德英華唯作爲
每十五六英華十下多有字物知所勸英華知作加
夫然人斯耻格英華然下多後字屬城晏如英華如
作和暨解印去英華暨作既或借留無緣英華或下
多願字而皆有言曰英華無有字惠愛之結深英華
無愛字哀可知矣英華矣作已動必兼□英華作選
動必兼勒石是圖英華勒作斲今皆以石本爲正立
幢年月及撰書人姓名皆泐藉寶刻類編以顯其全
文則藉文苑英華以傳王新城所見之十字此幢所
無當另是一幢未可強合爲一又案寶刻叢編載此

碑其目云唐刺史靳恆遺愛頌并陰又引復齋碑錄云陰述羣官陪靳使君登峴山紀文幢凡六面其五六兩面文字殘泐不可辨殆即叢編所謂陰面也

清筠

館金
石記

右襄州刺史靳恆遺愛頌刻于石幢幢凡八面此居其半在襄陽丙寅冬託友以萬錢搨此及峴山石幢題刻風雪嚴寒拓不甚精審而錄之得三百八十一字嗣見淵鑑類函載有此頌自公名恆至其若是乎而止并缺其先以下四十四字而先王以下七十九字原軫以下十六字至於是那以下

百十七字五里已終朝五字又十一年作十二暨
解印作既弗及作不及皆有言作皆言竊憾其文
之不全又不悉其所據何本然以是知靳公之名
恆與夫撰之者爲張九齡而又多得世六字矣續
閱湖北通志據文苑英華錄此全篇并引寶刻類
編一跋又知爲高恆慈所書與夫立幢之年而淵
鑑作十二之誤矣因據英華以補碑之闕而詳勘
其字句之異并多審出四十三字而校正前此所
錄之數誤居然窺全豹矣最後見筠清館金石記
載是刻亦據英華以補其闕攷其異取以互證有

吳所審出而余尙缺者亦有余所審出而吳尙缺者再檢拓本按格細審又得一十九字如式錄之殆無遺憾與我共理英華本共上多之字瞻望弗及弗作不動必兼選作選動必兼其他吳氏所已言者悉從刪削湖北通志所引誤推行爲惟行遺音爲遺言并脫頌曰之頌字吳氏所得只六面椎拓未全所錄碑文內及聞公之喪句脫之字皆據石正之靳恆唐史無傳高恆慈叢編作高慈補訪碑錄沿承其誤第二行恆字尙存故可決其非也後四面剝泐尤甚惟第七面第三行存嘉字下半

五行存明典字六行存人思字其上似是郡字疑是述後人追思其德而修明典祀之詞至王新城所辨之十字及張九齡撰云云則絕不存一字矣相去不及百年此幢世不多拓不應磨滅已盡峴山石幢亦無此數字此外並不聞復有石幢殊不可解

御史臺精舍碑

開元十一年
編載卷七十四

萃

先王

王謨
生

罔知

罔作

捺

罔圖

罔作

李庭言

缺言
字

張泐

泐作

梁乘崔

缺梁
二字

周高

缺高
字

盧鉉

鉉誤
絃

盧執顏

執作
缺顏
字

于履順

缺順
字

宋少真

真誤
貞

以上五
人在碑陰下層

碑云左臺精舍者諸御史導羣愚之所作也舊唐書
職官志光宅元年分臺爲左右肅政臺左臺專知京
百司右臺按察諸州神龍初復爲左右御史臺延和
年廢右臺碑立於開元十一年其時右臺已廢故專
稱左臺者即御史臺也碑陰有侍御史殿中侍御史
監察御史題名而御史大夫御史中丞以官尊不與
侍御史監察御史題名俱有洪子輿元和姓纂有洪
子輿起居舍人生經綸子輿即子輿之譌歟

平津讀
碑記

碑額及校側題名未見俟得拓本再校

開業寺石佛堂碑

高八尺五寸廣三尺二寸五分廿七行行五十六字
字徑寸許有界格額高一尺五寸二分廣一尺二寸
五分三行行三字字徑二寸五分題大唐開業寺
石佛堂九字並行書在元氏縣吳村開業寺東

大唐開元十二年歲次甲子三月日唐
□□□□□□□□□□

洛州司□□□□□□孫義龍撰并書

大哉軋健者斗極隣影洽於枕宮至柔者坤貞山河載

於賢劫是□□□□□域變□有御祥風□釋提猷□而

疑浩氣雖復道存形器鴻鑑為滯有之因理涉名言群

籟起談空之疊况七覺元馱三明奧旨體權實而兼遣

鑒□內而俱忘□彼□□□□□之可察方茲冈象豈

神妙之或故百億頂弥三千刹土仰元津而引派則

業火咸消瞻覺路之元門則情塵共偃□□□斯見

□□□□□大矣乎至聖至仁固無得而稱已豈不

以□紹日月德配乾坤□其曠者逾深討其源者□與

開業寺者育王遺跡□湧靈塔□□□□□影

當地□□□龍交會之所七□元明之地遂立淨觀至

□□五年天水公衛尉卿冀州刺史趙郡侯趙通靈根

入淨慧業□□□開以閑邪□軋域而入室□□□

紺並遺術多齊服水紈咸歸妙藏觀其湮滅數百餘年

通胤宗祚□繼不絕至後魏延昌武侯□族僧□晉與

□□□□□育王之聖□□空帝之英聲撫事興

言起葺寺

觀初

名偃角後易名隱角及至隨末唐初育

王遺跡姚帝涉□之所□□□□□□□□□□物

土恒華□其□□可以永建望形勝登障干尋列香鑪

而吐霧雲樓萬室舉綺袂以成帷□境□眠樹福既廣

遠□□天□□□□□□□□□□寺焉□觀其地

勢爽塏周神居聿脩淨業花臺寶刹架迴浮空層閣步

檐飛丹列紫如化城之壯麗譬□圃之□高□氣桃□

□□□陽□其□者窺上忍之門入其□者踐善提之

域摠法門之交際者其在徹寺主家諱徹俗姓郭□族

□□原厯官□□□□□□□為元氏縣人也□祖諱

□□□□□□為□□授太陸縣令寺主擯落蹠□拂衣高

蹈齋三垂之正路尋入□□□□□□□□□□□□□□

□□□□□□□□□□□□□□□□□□□□□□□□□□
與□□□□維那

四輩及道俗等為國敬造淨土石私堂壹所未能周備

寺主□□餘□□□□□□□□□□□□□□□□□□□□

□□□□□□□□□□□□□□□□□□□□□□□□□□
宿之兮暉之志

以薰脩罄虔心而孝饗旁求鄂匠廣召山□服魯殿之

新成采□□□□□□□□□□□□□□□□□□□□□□

□□力事□□□□□□□□□□□□□□□□□□□□□□
刺文□於□砌鏤柱於瓊階龍角

爭騰鬪光照室風輪損□□八會而□□□□□□朱□

錫類遠被孫謀者忒下官□窺樂鏡忝謬虞膝藉孔李

之通家□□□□之至戚□監所□□□而多慙華

札見知在三軍而無媿人稱顏冉器惟珪璧敢相質天

書庶芳名於帝石其詞曰法身不凋寶相無□□

□地首包括天霓□□□北□□□西巖形寫鷲山足

如雞白駒常繫紺卉恒萋魔精夜落惠日晨躋聿脩淨

觀肅坐菩提狐池遶砌□野□□壁□形相柱□□□

□開□□洞□□□育王遺跡嗣後重興爰有惟孝地

藏曰慈咸從色養俱稱大悲銀樹開乳金沙映絲猗歟

上德折蓼承訓林□□□流觴秋醞□□□□□□□□

□□□□□□□□嶠杖節圖真□□寫妙福緣遊觀俯仰
廊廟喟：俗侶躋：僧徒心驚夢幻思屬醍醐鳳剝霄
懸鯨鐘夜吸孝珠冰淨智刃霜潔□□□□龜碣寒暑
有謝徽塵無絕

右碑孫義龍撰并書義龍無攷列銜僅存前洛州司
四字案洛州開元元年改爲河南府唐制州牧掾屬
有司功司倉司戶司兵司司法司士等參軍各二人又
開元初改府屬錄事參軍爲司錄參軍六司爲六曹
義龍之官洛州當在開元以前司下爲功爲倉則不
可知矣趙通無攷碑有通肩宗祊□繼不絕至後魏

延昌武侯□族僧

下

云云延昌爲後魏世宗紀元所

稱武侯疑卽通諡據此則通當是元魏以前人開業
寺之興廢具詳李尙一開業寺碑始由李徽伯捨山
第建立其後子孫代加修葺不聞有趙氏建立之說
又尙一碑謂寺於延昌之末錫名偃角孝昌閒改爲
隱覺而此碑則云始名偃角後易名隱角彼此微有
不同又碑敘寺主諱徹俗姓郭元氏縣人□祖貴齊
岐州刺史贈輔國大將軍祖平唐初光下父名磨滅
列銜紀王府帳內親事授陪戎副尉釋褐得許州行
參軍授大陸縣令郭貴後齊書北史並無名案李尙

一碑有上座圓徹當即此碑之徹寺主紀王兩唐書

太宗諸王傳紀王慎太宗弟十子貞觀五年封申王

十年改封紀王垂拱中越王貞起事敗慎亦下獄放

免改姓虺氏檻車流嶺表道平中興初封慎少子鐵

誠爲嗣紀王改名澄

新書作證

開元中薨子行同嗣案徹

父列銜紀王府帳內紀上無嗣字又徹即圓徹則所

稱紀王即慎無疑慎係貞觀十年改封紀王大陸縣

武德四年已改名象城此碑敘徹父始爲紀王府帳

內後授大陸縣令然則象城縣當太宗高宗之世必

有仍改大陸之事地志蓋略之矣又碑諱作誦籛字

音義未詳字書皆不載

常山貞石志

右開業寺石佛堂碑在元氏載於常山貞石志碑
右上角斜斷碑文闕泐據常山志補之其第二行
之猷五行之奧六行之開七行之習与空九行之
寺十行之其十三行之開十五行之戎十九行之
損朱廿一行之孰廿二行之彩廿四行之足廿七
行之暖等十六字則沈氏所未審出者龍角爭騰
下一字審其筆勢右旁似是飛字姑從沈氏作龍
撫事興言言沈誤作吉輻湊沈誤作輳

唐昭女端權殞誌

方一尺三分十五行行十四字字
徑五分方界格行書在陽湖董氏

女子字端蓋殿中少監唐昭之第三女也母曰王氏夫
其體脩幽閑門傳禮則克柔其性有婉其容春秋十有
六焉不幸夭沒以大唐開元十二年六月廿三日終於
京地靜安里之第以其月廿六日擯殯于萬年縣義善
鄉之原悲歎天平不減曾靡降福神道何昧忽貽其殃
諒何有違遂獲此戾悼以長往終天無期嗚呼哀哉乃
爲銘曰

猗歎慶雲兮錫嘉祕媿而從訓兮善可紀且其享福兮
極遐祀奈何脩齡兮中道止白楊蕭々兮壠路悲丹旌

搗、方相送歸相送歸方永別離天情地義方長相違
誌中脩別作脩有婉其容容誤作客唐書宰相世系
表莒國公唐儉曾孫有名昭者官河南尹此誌云殿
中少監未知即其人否

古誌
石華

右墓志十五行行十四字正書字徑七八分攷唐書
宰相世系表有兩名昭者一爲後周儀同三司永之
五世孫一爲莒國公儉之曾孫殿中監從心之子爲
河南尹莒公卒於顯慶初年七十八傳言孫從心神
龍中以其子娶太平公主女擢殿中監陵官太常少
卿坐太平黨誅而太平公主傳又以陵爲鴻臚卿據

表峻爲仲心次子河南尹昭爲第五子峻之弟也史
言河南尹此言殿中少監似不甚合然女端之卒年
纔十六作此志時恐其父昭尙在或後官終河南尹
亦未可知况表之言往往不實案之時代疑此爲莒
公之後人也又攷長安志靖安坊在朱雀街東第二
街唐書武元衡傳靖作靜正與此合靜安里蓋即靜
安坊也義善鄉不見於長安志據此可以補之

古泉
山館

金石
文編

右殿中少監唐昭女端墓誌銘誌前不題疑即昭撰
與孟友直女馮氏婦十一娘盧鄴幼女姚婆兩墓石

皆父銘女子之詞十一娘爲已嫁女姚婆爲下殤端
爲中殤殤不立傳而有銘誌者由於情不能已韓退
之爲女挈銘壙亦此志也唐書昭事無可考宰相世
系表唐儉會孫昭河南尹豈始爲殿中少監繼爲河
南尹與百官志殿中少監從四品六典殿中省少監
二人從四品上隋置一人皇朝增至二人龍朔咸亨
隨省改復宋敏求長安志唐京城萬年縣所領朱雀
街東二街有靖安坊靖或作靜即此靜安里也唐書
武元衡傳白氏長慶集寄微之百韻詩皆作靜正與
此合義善鄉不詳所在宋志有義善寺貞觀十九年

建縣南十五里寺以鄉名殆即其地此石出於嘉慶

二十一年五月凡百九十二字皆完好

金石續編

據續編所載誌尙有蓋題云大唐故唐氏女墓誌
銘九篆字未得拓本石在陝西咸甯出土舊藏陽
湖董氏今未知所在脩疑是備之譌續編錄作備
石華以爲脩字又祉旁誤作正脩別作脩石華未
及之

號國公楊花臺銘

開元十二年十月八日
萃編載卷七十五

楊將軍新莊像銘

在銘詞之前
失載

舊唐書楊思勛傳開元十二年五谿首領單行璋作

亂思勛以軍功累加輔國大將軍後從東封又加驃
騎大將軍封虢國公帝紀東封在開元十三年十月
此銘作於開元十二年十月已稱虢國公非從東封
所封可知又本紀開元十二年十一月五谿首領覃
行璋反遣鎮軍大將軍兼內侍楊思勛討平之此銘
在十月稱輔國大將軍其加封亦當在覃行璋未擒
之前

平津讀
碑記

序銘分刻二石故於銘詞之前別立標題一行萃
編刪去之不無孟浪邪撰人銜名書於銘曰之後
亦它碑所未有

香積寺淨業塔銘

開元十二年六月十五日
萃編載卷七十五

從屬

從誤

銘題正字畢彥雄撰元和姓纂畢彥雄太原人狀稱

畢謹之後

平津讀
碑記

淨業父廸錢先生以爲廸之別體祥案疑廸之省

筆即延之俗字

涼國長公主碑

開元十二年十一月廿六日
萃編載卷七十五

大唐故涼國長公主碑文

未載

道大

缺大

清陽

陽作

辛丑

丑誤

京永嘉里

永上多
邸字

碑稱薨於京永嘉里長安志涼國公主宅在永嘉坊

西北隅隋未有方士云貴氣特盛自武德貞觀之後

公卿王主居之多於眾坊

平津讀
碑記

公主以開元十二載八月辛丑薨仲冬壬午葬按
通鑑目錄是年八月丁亥朔十二月丙戌朔則辛
丑爲八月十五日壬午非十一月廿七即廿六也

八瓊室金石補正卷五十二終

八瓊室金石補正卷五十三

太倉陸增祥撰

男 繼輝校錄

吳興劉承幹覆校

唐二十五

青成山常道觀敕

高三尺五寸六分廣一尺七寸敕六行行廿六字至廿八字字徑一寸五分行書前後題字四行字徑寸分書在灌縣

大唐開元神武皇帝書

常道觀主甘遺榮勒字

及題 晉原吳光□刻

勅益州長史張敬忠頌者西南阻化徭役殷繁山川既

接於夷戎縣道有勞於轉輸自卿鎮撫百姓咸安革弊
遷訛良多慰伏歲陰寒極比平安好今賜卿衣一副至
領之蜀州清城先有常道觀其觀所置元在青成山中
聞有飛赴寺僧奪以爲寺州既在卿節度檢校勿令相
侵觀還道家寺依山外舊所使道佛兩所各有區分今
使內品官毛懷景道士王仙卿往蜀川等州故此遣書
指不多及

勅字徑三寸十一日字徑三寸

勅餘飛白書

五分正書

開元十二年歲次甲子閏拾貳月十壹日下十三
季正月一日至益州二日至蜀州專檢校移寺官

節度使判官彭州司倉參軍楊躄蜀州刺史牟嗣

元清城縣令沈從簡

此三行在十一日三字之下

右唐明皇與益州長史劍南節度使張敬忠墨勅道
光壬午九月予官長沙得之四川碑匠云在成都府
灌縣城西七十里地名太平場天師洞內碑刻於開
元十三年時節度使有八其六曰劍南即益州也益
州置大都督府其屬官有長史張敬忠蓋以益州長
史兼爲劍南節度使故勅有在卿節度檢校之語蜀
州彭州皆垂拱中割益州所隸縣置節度使在益州
青城山則在蜀州之清城縣故云一日至益州二日

至蜀州也後列蜀州刺史及青城縣令銜名又有專
檢校移寺官節度使判官彭州司倉參軍楊璿一人
列於前司倉參軍乃刺史屬官判官則節度使之屬
官時楊璿蓋以彭州司倉參軍兼爲節度使判官也
攷蜀記青城縣因青城山得名其山載福地記及主
匱經爲第五洞天杜光庭謂是岷山之第一峯前號
青城峯後臨大西山有七十二小洞八大洞明統志
云青城廢在灌縣南四十里飛赴寺在灌縣西南三
十五里則今之灌縣即開元中之青城縣也常道觀
不見於地志據明統志載有丈人觀在灌縣西南五

十里攷太平御覽引五岳圖曰青城山洞周二千里蜀郡界黃帝拜爲五岳丈人又唐六典謂蜀州青城丈人山每歲春秋二祀享以蔬供委縣令行云云是丈人即青城丈人觀疑即當時之常道觀也今土人呼爲天師洞或因漢張道陵得道於蜀州之鳴鶴山其地相近遂沿謠有此稱耳張敬忠附見新唐書張仁愿傳但云自監察御史累遷吏部郎中開元七年拜平盧節度使而未及後官益州事史之漏也傳又謂仁愿在朔方奏用御史張敬忠等皆稱著後至大官世名仁愿知人則敬忠殆亦當時之表表者開元

神武皇帝乃當時羣臣所上明皇尊號明皇所書碑刻今傳於世者多八分及正書行書則僅有金仙長公主一碑此碑筆力道茂出入二王不媿太宗高宗家學而以僻在遐方訪拓不到自歐趙以來金石家俱未收錄惟寶刻類編載賜張敬忠敕而云開元十年八年永康謨也予故亟爲表出之

古泉山館
金石文編

名勝志稱青城山有異僧出入井中赴供長安頃刻復返廣明中賜名飛赴字觀此勅開元中已有飛赴寺矣

平津讀
碑記

按青城山常道觀碑碑刻元宗賜張敬忠勅碑陰刻

敬忠奏表唐書張敬忠傳開元七年拜平盧節度此
稱益州長史錄其銜官足補正史又唐書地理志蜀
州青城縣青故作清開元十八年更有青城山舊書
青城漢江源縣地後周改爲青城山在西北三十二
里舊青字加水開元十八年去水爲青此勅開元十
二年下十三年表奏故山作青城縣作清城在未更
以前也宋祝穆方輿勝覽常道觀隋時建有唐明皇
御書碑卽指此勅勅前題常道觀主甘遺榮勒字奏
表作常道觀三綱甘道榮前題常道觀主甘榮書甘
道士姓名一碑三見彼此互異豈名榮字遺榮因爲

道士故又稱道榮耶宋王象之蜀碑記灌縣丈人觀
紀符瑞碣甘遺榮八分書趙明誠金石錄青城山丈
人祠廟碑甘遺榮八分書並作遺榮惜未著此碑耳
元宗行書傳世者惟此勅及金仙長公主碑碑書散
朗勅書縝密筆法殊不相類此豈出蘇靈之手耶何
絕似鐵像頌真容勅也甘書奏表則與王知敬褚遂
良相近唐時僧釋善書有懷仁懷素大雅普昌洪滿
行滿從謙翹微靈迅欽造齊操無可建初其羽士善
書無過此者嘉慶二十三年徐保甯

雙桂

遠道拓寄

亟著錄之以誌珍藏

金石續編

碑尙有陰刻張敬忠奏表三巴舊古志題云常道
觀還舊表開元十三年正月十七日上表碑陽當
亦同時入石碑陰未得拓本闕之碑尾云十三年
正月一日至益州二日蜀州洪氏以下勅月日系
諸十二年閏十二月殆非補訪碑錄系諸十三年
正月三日不知何据恐三爲二字之誤案四川通
志又載有青城山碑在常道觀軒轅石龕之下隋
大業七年立太常博士陰道撰不審尙存否

右武衛將軍乙速孤行儼碑

開元十三年二月十六日

萃編載卷七十五

議大夫守

議下三字缺

修文館

缺館字

武之去暴與文

文上五字缺

競馳

字缺

爲功

字缺爲

陽和而並

運

陽下四字缺

之事依古

古上三字缺

極

字缺

鈞陳

字缺極鈞

投鉞四

七

二字缺投四

摠堂

字缺摠

儼若敵

敵上二字缺

始賜而氏焉

焉上四字

焉上

缺

上仙肇開茂緒

仙外五字缺

上柱國長州

州上四字

州都督

州下二

字缺

開國公徙

缺開徙二字

罷於身待時而用

用上六字

列

字缺

列

將

字缺列

興王

字缺王

虞候

字缺候

左右領軍衛

左誤右領軍三字

右

鵬圖貫

缺圖貫二字

鵝

字缺鵝

射濼於僊靈

缺射僊靈三字

頗云

頗云

頗云

亦云誤

郎彌王府記室

缺郎王記室四字

開平邱第梅馬競遊曳

字缺

左

左誤

道遊奕屯

道下三字

裾其

其上十

席推美

席下二字

左

左誤

道遊奕屯

道下三字

道下

缺之石

石誤

紛紜功

缺紜功二字

氣雄

缺氣

永昌元

缺永昌

永昌

外展驥

缺外驥二字

證聖元

元上二字

都督

誤督

涪肅

缺肅字

二

缺十辰沅

缺辰字

之材

缺之字

成方國置生祠之廟往往

而有

祠之外

今莫犯

今下二字

元年

元誤

爲重用周勃

爲下

四字

昌而先拜

缺昌拜二字

頒命將

缺頒字

殊恩

缺恩字

殊上多空一

格

而執□持

持上二字

云廢

缺云字

天關

缺天字

有威缺有字藥

奠

缺奠字

行無

缺無字

由家形國

形外三字

載彭

缺載字年穀年誤

時缺

多餒

餒作

殄漫

修作

俄而□給人皆和

缺俄而三字

誓

擾

缺誓字

星言致討

缺星言二字

氛□廓清

氛誤氣

戰捷

捷捷作

何以尙茲

缺何尙二字

乃功

乃下三字

睿旨

并多一

疾亟之□

思慮弥

之外五字

遺書戒令從

遺下四字

不敢

缺敢字

存實

存缺

字虛美以掩虛下三爾等缺爾字之盛缺盛字瑟琴齊齊上二字

卒於卒誤辛卯卯作卯按卯字不誤書碑者誤也右驍缺驍字安定缺定

字天資缺天字行乃缺行字奕代爲美缺奕美二字循良缺循字

宋昌缺昌字從事良老從下三字神勞缺勞字終謝缺謝字不已

賢哉不下三字二月缺二字

元和姓纂神慶生行儼行均行方行儼唐廣州都督

右武侯大將軍行均岐陽折衝生令從萬年令碑云

公素無息肩命昆弟之子令從爲子令從行均子平津

護碑記

萃編跋云兩唐書地理志並無漆州扶驪縣之名

案新書地志溱州溱溪郡貞觀十六年置并置扶
歡縣屬江南道歡驩古通王氏誤以河南道之溱
州當之乃謂溱州之名僅一見於仁壽之時并謂
扶驩縣則從無此名亦疏矣元和郡縣志溱州本
巴郡之南境貞觀十六年有渝州萬壽縣人牟智
才上封事請於西南夷寶渝之界招尉不庭建立
州縣至十七年置以南有溱溪水爲名扶歡縣貞
觀十七年與州同置以縣東扶觀山爲名據此則
唐書作十六年置者非郡縣志自作扶觀蓋以形
近而誤扶觀山疑亦扶歡之訛行儼官右武衛將

軍而郡縣志名一大字訪碑錄潛研堂目

跋尾平不記

津館均有大字皆非行儼於萬歲通天二年檢校
永州刺史而湖南通志列於中宗朝注云張說撰
碑豈行儼別有一碑耶行儼在永有稽竹生實之
異通志不言之蓋未見此碑也永郡荒歉祥異門
亦不載

東閑居寺元珪紀德幢

高二尺九寸六分八釐樓廣三寸七分四分
行行世四字字徑七八分分書在登封

大唐中嶽東閑居寺故大德珪和尚紀德幢

弟子大敬愛寺沙門智嚴立廟敘文

惟夫燕上正覺知之一味圓應施化無量度門淺識馳
未解行異端深智窮源元通不二我尊和尚俗姓李諱
元珪河南伊闕人也幼而聰敏性無戲論年甫弱冠以
儒學見稱厭俗浮榮歸心釋教初稟業於靈泉泰禪師
持誦漢華經剋己忘倦去家五里竟不再歸部秩將終
夢青衣童子乘白象授以舍利及曉開卷果獲七粒按
斯證者乃普賢神力所致焉所持經即隨揚州居士嚴
恭所寫千部中第三百九十七事在唐臨冥報記素以
經論精通上元中 孝敬皇帝陞遐得度便配茲寺
然以夙慕至道遍覽觀門每患心相未祛翹祈勝友後

遇如大師於敬愛寺勤請久之大師雖未指授告以三
年及期大師果住少林寺 和尚與都城大德同造少

林請開禪要驗之先說信而有徵遂蒙啓發豁然會意
萬相皆如圓炤在目動靜斯益契彼宿心因而歎曰嘗
聞千載一遇今謂萬劫焉大師曰自非宿植詎有斯鑒
然諸餘禪觀並心想不忘入此門者妄想永息大師即
黃梅忍大師之上足也故知迷爲幻海悟即妙門此一
行三昧天竺叭意相傳本無文教

下空

如來在笈密授阿難自達摩入魏首傳惠可可傳彙彙
傳信信傳忍忍傳如至 和尚凡歷七代皆爲灑主異

莊一時永昌中大師既歿暨之荆府尋及嵩邱自後緇
素請益山門繼踵謙讓推德必至再三常欽味楞伽經
以爲心鏡所居澗水不善聖厯中忽有涌泉出於山側
其味甘芳常得汲用雖衆人奇之而 和尚不之異也
長安中嵩山南三十里龐塢士庶延請因往居之由是
道俗咸稱龐塢 和尚焉初龐塢修造佛堂有餘瓦頻
年已來未之問也開元四年春忽謂門人曰佛堂餘瓦
恐後人互用如何處置未對之間乃命仲京等壘作佛
塔門人未之悟尋誠以存亡等事門人等方懷感戀焉
以其年八月初無患稱疾怡然安寢其月十日晡時奄

歸寂滅春秋七十有三即以其日遷柩歸閑居精舍于
時龐塢四面三里七日七夜細雨彌布雲霧晦冥及閑
居經行舊所雜樹枯變傾拔者數株所涌甘泉自茲而
涸靈輿發引上有白雲狀如幢蓋翊送至于閑居既葬
乃滅於舊阿蘭若北營建身塔安所焚舍利緇素號慕
山川震響又於寺後造塔追福勒銘述行 和尚六度
四攝一觀齊行高操策修罕能及者恒手自印象兼散
施漉羅節費省用餘皆檀捨居惟狹室坐必小牀自非
疾病未嘗安寢該綜內外詣極精微輒不宣揚緣扣斯
應律儀軌式模楷當時承顏接旨無不蒙潤至若雨泣

雲悲泉枯樹拔在物猶感人何以堪我比邱智嚴伏以
師資義重厯劫難酬追惟訓育願常祇奉敬於河南萬
安山北香城招提之所立龕圖真以構靈廟建幢紀德
敢申罔極之心瞻仰 尊儀以偈頌曰

下空

形神峻邈 宇器宏深 學窮心本 德潤緇林 體

有即如 言忘可析 隨物涯分 俱霽勝益

開元十三年歲次乙丑六月癸丑朔十五日丁卯建
左補闕集賢院直學士陸去泰書

建幢施主

右元珪紀德幢沙門智嚴撰陸去泰八分書按萃

編載有珪禪師塔記即此珪和尚也敘述相同而此幢尤爲詳備陸去泰嘗檢讎內府舊書見唐書褚無量傳但言江陽尉歷左右補闕內供奉不詳其爲集賢院直學士洪筠軒珪禪師塔記跋云嵩高中有閑居寺見洛陽伽藍記寶刻類編有嵩山閑居寺珪禪師碑宋僖撰題開元二十二年四月又是一碑案宋僖撰碑見於金石錄目

尙舍直長薛夫人裴氏墓誌

石高一尺六寸寬一尺四寸五分廿三行行廿三字字徑五分餘正書在洛陽存古閣

唐故尙舍直長薛府君夫人裴氏墓誌銘并序

夫人裴氏河東聞喜人高陽肇袁非子受封漢寵侍中
晉稱吏部問諸絳事英達斯多曾祖思質汾州刺史大
平縣開國公祖行顛魏州頓邱縣令父貞固楚州淮陰
縣令或擁旗千里或紆綬一同訓理窺於古人香政飄
於後嗣夫人即淮陰之仲女也夫孝以居室恭順鑿於
已族義以奉外執訓歸于我家其初迓也璫珠玉以和
禮容其爲婦也諧琴瑟而偶君子浮榮不幸移天早沒
哀女蘿之無施泣夢蘭之不地天天華歲煢煢誓居世
餘年志不我忒音律之事爲性工乎直長府君云亡竟
不聽絃管貞節也以季母之親撫猶子之類示以典禮

導以謙和豈□斯門流式他壺慈訓也馭下以肅教而後罰左右敬愛內外嚴恭正範也聿脩三善朕心八解金仙聖道味之及真外身等物不競以禮放迹遠俗謂爲全生凝神窅冥塊然而往春秋五十有九以開元十三年五月廿三日考終於通利之里第子子明魂寥寥歸字無三年之服者唯數紵而彌慕人代可哀元門允樂先是遺付不許從於宜長之筮以其受誠律也今奉所志以明年景寅二月廿三日葬於河南龍門山菩提寺之後崗明去塵也族孫良備覽休跡敢敘而爲銘曰塵颯爲却不可年子瑩櫃無像知幾遷子有德斯紀跡

必宣子神道昭著福謂傳子貞靜悌睦存沒真子君子
之謂賢婦人子

開元十四年二月廿三日葬

右墓志敘夫人裴氏河東聞喜人高陽肇裔非子受
封並與唐書宰相裴氏世系表合其云漢寵侍中者
亦即表所稱裔孫蓋漢水衡都尉侍中也晉稱吏部
者謂裴楷也晉書楷傳言武帝爲撫軍妙選僚采以
楷爲參軍事吏部郎闕文帝問其人於鍾會會曰裴
楷清通王戎簡要皆其選也於是以楷爲吏部郎据
志所述裴氏早寡而無子性工音律自其夫亡後竟

不聽管絃則似女子之知禮義者矣乃又放跡空門
臨終遺付不許從直長之塋豈非大相背謬乎薛府

君不詳其名字而稱尙舍直長者乃其官也唐書百
官志殿中省其屬有六局一曰尙舍局有奉御二人

直長六人掌殿庭祭祀張設湯沐燈燭汛掃行幸則

設三部帳幕志文爲其族孫良

又似良

所作而無書人

姓名然楷法甚秀茂尙有六朝人風韻文中既詳其
葬爲明年景寅二月廿三日而未又另書一行云開

元十四年二月廿三日葬爲他刻所未見龍門山在
今河南府洛陽縣此志金石家從未箸錄乾隆中北

平黃玉圃侍郎

叔瓊

巡撫中州輯金石考七卷後畢

弇山尙書

沅

又作金石記五卷皆未之載殆近年始

出土者邪道光己丑六月吳門書友攜來因購得之

急爲抄錄全文而表出之

古泉山館
金石文編

七星巖題刻三種

在高
要

端州石室記

開元十五年正月廿五日
萃編載卷七十七

冥技海

缺技
字

靈表万

缺万
字

壘

缺壘
字

而羣峯

缺壘
字

隔

○咫境

缺咫境
二字

○若

缺若
字

羲皇之上自謂

缺自謂
二字

於口

口誤
刑口

於是

缺友
字

縱琴酌

缺友縱
二字

○遊以

遊

缺遊
字

擊石如鍾酌泉

缺鍾酌
二字

參寥

寥誤
墓

右端州石室記在肇慶府七星巖太平寰宇記南越志云高要有石室自生風煙南北二門狀如人巧意者以爲神仙之下都因名爲嵩臺北海李邕有記鏤石存焉即此碑元和郡縣志石室山在端州高要縣

北五里

平津讀碑記

李紳題名

高一尺五寸廣一尺一寸五分五行字不一字徑一寸五分正書左行

李紳

長慶四年二月自戶部侍郎貶官至此寶祿元年二月十四日將家累遊

右李紳題名在肇慶府之七星巖其文云云凡五行

自左而右郭功父石室遊篇云攷二李之勁筆謂李
北海石室記及此刻也唐書本傳敬宗立李逢吉乘
閒言紳不利於陛下請逐之帝初即位不能辨乃貶
紳爲端州司馬攷敬宗以長慶四年正月即位二月
辛巳始聽政紳之貶官正在此時其明年改元寶曆
矣

潛研堂
跋尾

舊唐書敬宗本紀長慶四年二月癸未貶戶部侍郎
李紳爲端州司馬是其時所題晉書戴洋傳初混欲
迎其家累北齊書祖瑋傳倩瑋作書屬家累事稱家
人爲家累亦始見於六朝時

平津讀
碑記

王化清遊石室新記

高二尺八寸五分廣二尺六寸五分記十三行街名五行

字不一字徑一寸四分正書左行

高要郡北十五里有石室詭性萬狀崆峒其中發揮靈蹤盤薄厚地皆神仙之窟宅爲區奧之腴槩或有巨石皆似蹲獸反顧疊花仰空的皦瓊暗色如截肪矣旁引危竅疑爲洞門橫聳石床方次仙座西廂峭壁之下有涵泉泐澄鏡色味輕瑤漿東西倚山之陽二十餘里西通于上武林東扼于零羊峽時開元十五年正月二十五日左遷陳州刺史北海李邕述石室記列于苔壁懿乎寶祿元年秋九月二十日攝經略巡官試大理評事

推知軍州務賜緋魚袋傳陵崔公領寮屬及將吏遊于
茲室探討竒跡異乎幽巖盡日躋攀不盡高意化清時
官守司馬得倍盛遊輒叙鄙詞紀乎前事

攝經略巡官試大理評事知軍州事賜緋魚袋崔獻
直

文林郎守司馬王化清 守錄事參軍楊金質

守司倉參軍陳係 守司戶參軍李參

守高要縣令張仲修 守主簿陳行敏

攝尉李□

得倍盛遊以倍爲陪餘亦多別體脂旁从日尤戾

雲居寺石淨圖銘

開元十五年二月八日

萃編載卷七十七

無疑

疑誤

碑稱鄭氏字元泰今范陽人新唐書地理志無范陽

縣元和郡縣志范陽故城秦范陽縣也在易州易縣

東南六十二里以在范水之陽故名

平津讀碑記

洪氏云地理志無范陽縣案范陽本涿武德七年

更名屬涿州涿州置於大秣四年此碑在開元時

尙屬幽州

膚施令于士恭墓誌

方一尺四寸四分廿一行行廿一字字徑四分正書方界格在咸甯裴氏篆蓋未見

□□□州膺施縣令上柱國于公墓誌銘

兼序

□□士恭字履揖其先東海人也漢太守之國之膺洎
五代祖謹仕魏遂居河南今即河南人也績著前史慶
貽後裔曾祖宣道隨左衛率 皇涼甘肅瓜沙五州諸

軍使涼州刺史成安子祖永甯 皇商州刺史增建平
公父元祚 皇益州九隴縣令龔建平爵尚德靜縣主

公即主之次子也公言行周密風儀閑雅弱冠以諸親
出身解褐授好畤縣尉初大周御宇分邦制邑劃爾畿
甸隸爲稷州選部甄才擢授斯職亦當時之榮選也自
茲已降累遷郡邑尋贊臨穎復典膺施開右馳聲許邦

思惠非此能備也開元十四年春 天子若曰縣令在
任清白者選日擢用公即隨調選方俟遷陟命何不融
疾成不治以其年秋九月戊戌卒于私第春秋六十有
六時來不偶其如之何夫人謙郡戴氏妍妙凝華貞順
勉行自承饋盥克諧琴瑟降年不永雖恨偏沉同穴相
期果然終合開元十五年七月乙酉擯祔於京地神和
原禮也拱樹蕭蕭坐看成古佳城杳杳空見微月嗣子
弼嬰等泣血崩心絕漿茹慕昊天莫報長夜不曉慮陵
爲谷刊石爲表銘曰

死生有數晝夜不捨嗟彼于公長歸地下高墳峩峩宅

此崇阿千秋萬古孰知其他

宰相世系表宣道隋上儀同威安獻公碑作隋左衛
率皇涼甘肅瓜沙五州諸軍使涼州刺史成安子威
安是成安之誤祖永甯增建平公表亦不載永甯子
表有遂古而無元祚元祚任益州九隴縣令襲建平
爵尚德靜縣主士恭即主之次子當以碑補之

平津讀碑

記

按膚施縣令上柱國于士恭墓志銘舊唐書職官志
諸縣令正第六品上階上柱國正第二品縣令爲職
官上柱國爲勳官于氏先世攷詳于孝顯碑士恭乃

孝顯從孫也涼甘肅瓜沙五州爲關內道唐初置涼州總管府改都督府或管四州或督八州七州宣道爲五州諸軍使當在武德七年之後商州亦關內道隋爲上洛郡唐初改商州天寶元年復改上洛郡九隴縣屬劔南道成都府本隋蜀郡武德元年改益州領成都九隴等十三縣三年分九隴等三縣立濠州貞觀三年廢仍屬益州四縣置彭州九隴屬焉元祚爲益州九隴縣令蓋當貞觀二年之後延州膚施稷州好畤皆關內道好畤武德二年分醴泉縣置屬雍州三年改隸稷州貞觀元年復屬雍州天授二年改

隸稷州武后以天授元年改國號曰周志稱分邦制

邑正指其時

元和郡縣志但云貞觀元年廢稷州而不及武后之復改茲據舊書臨穎

河南道許州屬縣故云許邦思惠也神和原即神禾

原詳見敬節法師塔銘在西安城南香積寺第五橋

皆其地也

金石續編

誌石右上缺一角石華補首行唐故定三字膚施

隸延州非定州石華誤也士恭以十四年九月戊

戌卒十五年七月乙酉葬十四年九月乙亥朔戊

戌爲廿四日十五年七月卒未朔乙酉爲十五日

世系表宣道威安獻公洪氏謂威是成之誤隋唐

皆無威安郡縣名也以子爲公亦表之誤元祚及
士恭弼嬰表俱失載士恭有兄疑即遂古宣道隋
書附其父義傳周封成安縣男入隋進爵爲子官
至太子左衛副率進位上儀同誌與表各舉其一
誌稱涼州刺史傳所未及或以志甯之貴唐代所
追贈邪

豐義令鄭溫球墓誌

方一尺一寸廿三行行廿三字
字徑三分正書在武進陸氏

大唐故甯州豐義縣令鄭府君墓誌銘

并序

滎陽鄭君諱溫球字耀遠洪源浚流鼎門碩胄固以炳

煥圖傳洋溢會祖寇隨瀟臘卿河南公祖福祥 皇唐
州刺史父方高始州臨津縣令昭鴉暉曠芝蘭芬馥咸
迪雋業不其休我君温恭好學出言有章貞白成性立
行無玷解禍彌州玉城縣丞毗贊有倫人吏皆悅時蠻
方作梗王師出誅監軍御史元公欽君器能相邀入幕
克清夷落韜弓飲至君之策焉優 制嘉之轉蒲州汾
陰尉儀形開輔損益絃歌秩滿調補甯州豐義縣令以
膺精擇無事自理示信不欺子游不下堂買父歌來晚
倚君之政無以加焉方將樹勤王家勒休天府彼蒼不
憇瘡瘵所纏藥石何欺靈祐斯爽以開元十四年七月

廿九日終享年五十有八才優命舛沉屈下僚隳駟不
留巖電易謝人生到此天道甯論君有昆曰温琦應廟
巨翰朝廷重寶由禮部侍郎轉邠州刺史君詣兄所憩
息未行哀哉禍臻於□廡宇天倫之感振古莫儔即以
其時樞遷于鄴以開元十五年七月廿七日擢窆於京
地府鄆縣□福鄉原禮也子七人皆精敏之士續絳
州翼城主薄兼汴州開封主薄揆充收孚回等並茹戚
肌膚沉痛創巨纂夫懿德寄我松槩子夙預如親曲承
誘頌士咸知已懷此無忘聊繫情於斯文庶有光於泉
壤銘曰

陘鎮岳岳溱流湯湯展我之子爲龍爲光有昆如珪有子如璋家瘞其寶國殲其良千秋萬歲杳杳茫茫

前左內率府曹曹盧兼愛撰

核榮陽鄭溫球以甯州豐義縣令卒於邠遷窆於鄠其姻親盧兼愛爲之銘墓也甯州邠州並屬關內道同節度使邠州至甯百四十里至鄠三百里而近蠻方作梗云云乃開元十年安南賊帥梅叔焉等攻圍州縣遣內侍楊思勛討之元公蓋監思勛軍而溫球入其幕因承優制得轉蒲州汾陰尉也唐元宗置中都改蒲州爲河中府元和郡縣志謂在開元元年五

月舊唐書地理志謂在開元八年通鑑則繫於九年正月改置之年月不同然李志云麗正殿學士韓暉疏陳不可六月詔停復爲州劉書云其年罷中都依舊爲蒲州通鑑云六月己卯置中都復爲蒲州時乃隨改隨復故開元十年以後尙稱蒲州迨天寶元年改州爲郡乾元元年復爲蒲州三年又改爲河中府也汾陰之改寶鼎乃開元十一年又在溫球作尉之後矣此石嘉慶閒出於鄆縣帖買攜入長安其字耀遠與吾亡弟名同且感其歿於兄所購石以歸天倫之戚古今一致耳

金石
續編

誌載溫球及其曾祖遜祖福祥父方喬兄溫琦子演
兼揆充收孚回凡十二人唐書宰相世系表滎陽鄭
氏皆無其名撰文之盧兼愛亦不入范陽之系可見
巨家大族其與宰相疏遠不入表者甚多也陘山在
鄭州西南溱水在新鄭縣與洧水合陘鎮溱流皆指
滎陽本貫而言也

古誌
石華

首題甯州豐義縣今豐義本漢彭陽縣地後魏置
雲州後周廢爲防隋廢防名爲豐義城唐武德二
年分彭原置豐義縣因舊城爲名屬彭州貞觀元
年州廢屬甯州開元八年改隸涇州尋復還屬唐

末省温球作令計在還屬以後其祖官唐州刺史

唐州即泌州天祐三年始更名新書地志於唐末

所省之豐義仍書其縣於天祐所改之泌州不書

唐州例不甚一其餘州縣如此者尙多也其父官

始州臨津縣令始州即劔州先天二年更名方喬

作令蓋在未改之前誌云蠻方作梗續編以梅叔

焉當之

本紀作梅叔
鸞與通鑑異

因謂開元十年以後尙稱蒲

州按本紀開元三年十月嵩州蠻寇邊左驍衛將

軍李元道伐之誌所稱者或即指此温球作尉末

必在十年以後十一年改汾陰爲寶鼎矣然蒲州

之稱固是隨改隨復新書地志云開元八年置中都爲府是年罷都復爲州與諸書正同古誌石華載此誤買父爲賈人廡宇上所缺續編作彼石華作邠石已殘泐彼字近之姑從其闕此誌向藏武進陸氏兵後已失所在甲戌秋陸彥甫補以此拓寄云於董氏廢園中掘土得之幸尙完好不如隋二誌之損裂過半并董氏舊藏之薛剛王守琦二誌亦同時搜獲焉爲之一快

安宜令王晉妻劉氏合葬誌

方一尺六寸八分廿四行行廿四字字徑四分正書方界格

唐故朝議郎行楚州安宜縣令太原王君夫人劉氏等
合葬誌銘并序

頓邱閻元亮撰

君諱晉謚康其先太原人矣遠祖因宦而播遷京世祖
獻隨任蘄州蘄春縣丞父幹唐任邵州武岡縣丞並天
縱宏材地靈孤秀故得佳維大邑翼贊 皇風惟

君素藉徽陰早承餘潤詩書積性刀筆從榮或鴻陸猶
潛且先鳴於吏道或鸞高迴蓋亦馳譽於仙臺遂解褐
爲司農太倉丞猶是靖白澄襟防四知於靜夜恭勤尔
職亦戒三或於良宵故得朝野有聲言行無點後從太

倉丞遷楚州安宜縣令既而奉絲撫化妙膺循良製錦
裁規弥光上宰下車之際既肯悅而來蘓袂滿言歸亦
栖皇而益詠方異人欽白玉垂令問於生前豈謂鬼贈
青臆瘞芳魂於厚夜以唐開元十一年十一月廿三日
卒於故里春秋六十有七夫人劉氏四德馳芳三從着
美寬裕貞順翼尔宗枝續組繫絲作嬪君子誰謂風霜
早降樾李先凋遂使影謝蘭帷芳辭桂闕以景龍四年
八月四日奄從風燭宅地未終權爲殯厝以唐開元十
五年十月五日隨於所天旋祔葬於龍泉故里矩陰山
北平原禮也次子崇義茹荼軫泣風樹纏憂嗟令問而

空存庸慈顏而永謝將恐居諸易注先烈無聞爰想德音重爲銘曰

大哉軋象神妙無方樅埴元氣降此貞良其一貞良子何

淑人君子刀筆從宦韋紘播美其二清白守職胡甯不戚

人謠善政俗讚甘棠其三天道彼々人生若浮魂云奄喪

永古長秋其四恭惟後嗣敬想前猷茹荼軋泣風樹纏憂

其五啓元局与蟻練庶慈顏而永濟列善頌於餘芬望明

德於長存既龜從於五兆亦何謝於千春

右安宜令王晉暨劉氏合葬誌未見箸錄當在咸

陽出土王晉官楚州安宜縣令新唐書地理志楚

州本江都郡之山陽安宜縣地臧君相號東楚州

武德八年更名寶應本安宜武德四年以縣置倉

州七年州廢來屬上元三年以獲定國寶更名肅

宗本紀是年建巳月楚州獻定國寶玉十有三改

元爲寶應元年縣改寶應亦在其時誌立于開元

故應稱安宜也其祖官隋蘄州蘄春縣丞隋書蘄

春縣屬蘄春郡後周曰蘄州其父官邵州武崗縣

丞可補入湖南通志晉葬於矩陰山北平原元和

郡縣志咸陽有矩陰原在縣西南二十里陝西通

志云短一作矩水經注渭水與豐水會於矩陰山

內水會無他高山巽巒惟原阜石激而已禹貢錐指云短陰原即短陰山也秦中諸原類皆有山體故或謂之山不必峭拔也晉所葬蓋即其地短矩形似相淆以誌證之作矩爲是傳訛已久賴此足以裁正焉文云諱晉謚康謚即諡字以諡爲字清字左旁作之幾成請字言行無點以點爲玷續組以續爲纂十五年落五字添注於旁

道安禪師碑銘

開元十五年十月廿日
萃編載卷七十七

披格裕所清識曠

曠上六
字缺

大禪師

缺大
字

李氏荆

李下二
字缺

獨□□□制被艱

缺獨制二
字被誤皮

龍戰

缺龍
字

烝人狼顧無家

無三字乘揚缺乘密字如字池淨其法法上空傳字缺

燈空下以成海摠群鈔缺以鈔二字成而字尊字

字獲所字獲學人多矣字秀缺學人請之以師授禪

要禪師禪師上推美字大通字之以絲與真

而遊而遊上何求字懷誓字我口刊口口密

詣耶密誤客請字以月繫年非非外四維遠字或揚

缺或字等謂字無塵字尋焚字初願也捺必化之

字字願捺必之四馳問字豈意相淪字闔戶字

字字脇累足脇外三耆宿蓋云字聖道字盡即

風如我隨風外五血字悲字者既而字主君

輟朝

朝上三

遠惟

敬久

揚

惟外四

笑餘起

幽

缺起

字於林

缺於

奇鳥

缺奇

固感盛賢

缺固賢

禪師之至

□

脫至

生知

缺知

必稱師是

缺必是

異俗自有

俗外三

被

於

缺於

聖昭

缺昭

僧寶

僧誤

源東傳之

缺源之

情誤精

缺寄字

瑒幽石以形言

缺瑒形

揚德馨

缺馨

湛之者

□

慧

慧上三

慧復

缺慧

惟炳

缺炳

真如萬法

缺真如

字缺儲

取拾

取作

寶刻類編載此碑宋僖撰并行書李鎬題額今俱殘

泐不可辨

平津讀碑記

北嶽恆山祠碑

開元十五年

卷七十六誤作十四年

萃編載

北雁雁誤乃久久誤

漢徵君徐穉墓碣

裝本高廣行字無攷
字徑一寸五分正書

□□徵君徐君碣銘并序

唐曲江張

後漢高士徐君諱穉字孺子南昌□□□資清純動適

元妙知道之將廢乃窮□□漢□□□時涸濁不抗跡

以庇物□察孝□又舉有道就拜太原太□□與上疏

極言先生宜爲輔弼□時之不可久也然而諸公□□

所將生□爲貴士之感□此之類也昔者夷齊介□此

誠作者□類沽名修於世□以存戒服其行□與彼

數子曰季登篤行孝弟 見其人
有表墓之□出先生
斯觀其妙□□是□□

右徐穉墓碣輿地碑目載入隆興府云張九齡撰
今僅存曲江張三字矣明一統志墓在南昌進賢
門外望仙寺東唐張九齡碣銘云在漢之季遭時
混俗不抗迹以庇物故退棲山林不苟利以辱身
故進無祿位江西通志云開元十五年張九齡撰
今缺年月原石久佚殘本僅存半截舊藏仁和趙
氏後歸武進孫氏今未詳所在此本乃番禺潘伯
臨正亨據孫本鈎摹者從海琴借錄之

少林寺碑

開元十六年七月十五日一萃編載卷七十七

金口

刊口誤妙音

音誤復見

見誤電轉

轉誤高林

高誤若

安

安誤式儲

儲誤

兩唐書裴淮傳不載正平縣開國子惟宰相世系表

稱正平懿公與碑同

平津讀碑記

敬節法師塔銘

石高一尺四寸六分寬一尺九寸五分廿六行行廿一字字徑六分正書在咸甯

大唐□義寺故大德敬節法師塔銘

并序

夫王而作則者大雄見而過者大寶聲被周漢義逸齊梁學比惇毛富如崑玉道飾其行俗賞其音或內秘靈

知或外見常迹起伏不拘於代出沒所謂於須臾孰有以兼之公得其門也

惟大德俗姓盧諱敬節范陽人也祖 尚書遠菜栖志

邱園父樂司徒季英閑居遁世愍于穉子過以群流放令出家不後文秩上可以益 后下可以利人不

累莊嚴足陪淨藏令按虔和上受業年甫十歲日誦千言維摩妙高飛峰口海法華素月吐照情田奏梵音以雲揚感神明而電激厭俗之垢 王澤遐沾落髮

之貞天魔爲懼至二十九入道具臘寺舉都維那二十載清拔僧務造長廊四十間不日克就光嚴

帝宇粹表祇園結棟凌霞飛簷振景士拜左願靡怯風
搖人謁右旋非憂雨散亦嘗柔外以定力振振順中
以如如心弈弈吁法槁而虹斲切義舫之神移莫不悼
哉何嗟及矣以開元十七年七月十五日終於私房春
秋七十有五窆於神和原律也門人處王璿延祚苾念
松迴茂仰蕙遙芬悵頽景之不畱恨驚風之早落師魂
遠何至資影痛何孤恐岸成川起塔崇禮式爲銘曰

迹滿三界神放六通教令遍囑德位常融轉延像世運
及都公木選寒栢山寶舒虹行高弊下言貴居忠俗承
遠聲色道洽化無窮水搖魚從□人斷院悲空日影何

旋北山陰遷已東荒郊悲慘慘烟氣亂蒼蒼修式營方
妙塔用表列於仁雄柩空歸於泉壤性遙拔於樊籠控
一代之濁命流千古之清風

案敬節法師塔銘撰書人皆不著開元十七年法師
年七十有五則生於高宗永徽六年十歲出家爲麟
德元年二十九入道爲宏道元年神禾原見景龍三
年法琬碑景雲二年蕭思亮墓志銘開元十四年思
恆律師墓志是刻作神和原與隆闡法師碑于士恭
墓志同宋張禮游城南記陟神禾原西望香積寺塔
原下有樊川御宿之水今西安府南杜曲社之西有

神禾原

金石續編

右塔銘始見於關中金石記云在咸甯杜永村文敘先世祖下原空一字父樂亦無攷愍作愍避諱缺筆

龍角山慶唐觀紀聖銘

高四尺二寸五分廣二尺七寸共卅行行五十字字徑六分分書方界格次行及末行年月俱正書在浮山

大唐龍角山慶唐觀紀聖之銘

御製御書

神也者妙有物而爲言化也者應驟方而成象言豈立

神之主象微宰化之却苟言象之不存焉剿神化或幾
乎息矣窮神而極化者其唯至至之人乎 我遠

祖元元皇帝道家所謂太上老君者也建宗於常縣有
立行於不暇昧却雄守雌爲天下谿却白守辱爲天下
谷故能長上古而日新雕衆形而化澶口萬物而不爲
戾澤萬代而不爲仁魏考不覩其頂深考不測其極復
歸雜物存教適以立言奄有太清感聖期以利見肇

我高祖之提劍起晉太宗之杖鉞入秦鵬搏風雲
麟鬪日月曼臣醜而已去殷鼎輕而未徙 老君

直洗然華皓白鬢朱鬚見此龍角之凶示我龍興之地

語絳州大通堡人吉善行曰吾而唐帝之祖也告吾子
孫長有天下於是一聞赤伏而萬姓宅心一麾白鬚而
六□大定傳曰有聲之聲不過百里霖聲之聲延及四
棄非夫神唱明德翕叶人祇者歟善行以武德三幸二
月初奉神教恐霖明徵□之莫洩至四月 老君
又見曰石龜出吾言實于時

太宗爲秦丞討宋

金剛搃戎汾絳晉州長史賀若孝義以其狀上啟運使
親信杜昂就凶禮謁俯仰之際靈兒察焉昂馳還曰信
矣直遣昂善行乘駟表上比至長安適會郇州獻瑞石
如龜有文曰天下安千万日

高祖徵其三異捧

蓄行朝散大夫命舍人柳憲淫祠焉玉帛既陳尊儀復見其始覲也杲杲炁炁若紅峯綠嶺吐春日之光景其卻隱也蕭蕭條條若雨息雲消視爍天之沆漻來莫却其所自去莫却其所淫出於寂冥入於惚恍蓋不可得而詳諸汾陽之龍角凶者天帝降福之庭 高祖

用師之道□上有華池靈府下有石穴洞宮氣接姑射集神僊之別館脈通霍鎮潤珠玉之隣家 高祖

叭□轡頻迴霓裾累縷故版廟於行過之所劃壇於受命之場刻飾 聖容彩繪真漸神光離合殿堂宛轉

於空閒雲氣腳踏笙磬淫還於天路因改浮山縣名神

囚焉志靈應也是歲仲秋及五丰三月晉州奏

老君言我毫廟之中枯栢更生子孫當丕又云我神兵
助軍伐劉黑闥立夏當平事過如言皆先事之識也尔
凌

太宗貞觀剽喬雲泊於廟宇

高宗垂

拱剽卿雲涌於神座今又祠中栢樹蒲萄裹而託根門
端根木枯枝翦而還茂疊黛豐本撲翠繁柯聚祥煙之
青靄黝黝一色散佳氣之翳鬱鱗鱗萬重識者以爲太
和暢陳朽之激王會納殊隣之象懼波虛應搖然夕惕
朕演靈金根纂命璿辰舊學道記常味至言是用假途
禮樂託宿仁義尋末以窺本澄塵以詣精爲無爲以此

心事無事於天下而

宗稷大福寰縣小康實

上祖惠靈疆之休亦下人率自然之化夫維幽容
昭見偉事也神告帝符瓊瑞也發祥善行吉類也慶雲
重代鴻懿也戎菓附植合異也槁榦華滋繁熾也此六
者興丕之嘉祉曠厯之絕紀者也朕不敏頗聞君子之
敦矣繼□後者天其祖習其訓者父其師揄揚道德情
存孝敬商頌美乎成湯周雅尊乎后稷先丕之舊典也
吾豈墜其文哉夫戴角之類龍爲之長羊也定形而不
易龍也神化而無端龍蓋五土之精國家築土而王故
改山号名龍角焉直銘金石以彰靈變詞曰

思文

聖祖元默靈聲混兮靈名超兮至清清入

神舍名捐物假身尊元元後有天下

高祖鳳翔

雲舉晉陽

太宗龍戰風趨秦甸龍角僊都

丕師戒途聖形入有神言出靈瑤衣玉騎告帝天符神
方據我人亦來蘇幽立清室徹徹謚謚泉僊停蹕幽興
慶雲氤氳氤氳再瑞 明君庭其栢兮遠菓寄秀門

有根兮塊條更茂顧慙菲德蒙神之祐誦我道經介我
神聽繼嗣五聖禋事三靈請從格言天德出甯大道幽
蔭湛慈廣接意路何階言津難涉化有影響神靈華某

一千一百七十字

開元十七年太歲在己巳九月己丑朔三日辛

卯建

右龍角山紀聖銘明皇撰校高祖實錄武德三年四月辛巳晉州人言善行於羊角山見白衣老父乘白馬朱鬣謂善行曰爲吾語唐天子吾老君汝祖也今年平賊後汝當爲帝天下太平必得百年享國子孫且千歲太宗遣使者杜昂致祭須臾神復見謂昂曰歸語天子我不食何煩祭爲高祖異之立廟於其地授善行朝散大夫據碑稱是時太宗爲秦王討宋金

剛所謂賊平汝當爲帝者指太宗也其事可謂怪矣然碑與實錄所載語頗不同文多不能備錄惟碑稱善行以武德三年二月初奉神教至四月老子又見曰石龜出吾言實既而太宗遣昂善行乘驛表上比至長安適會郇州獻瑞石如龜文曰天下安千萬日而實錄亦云郇州獻瑞石有文曰天下千萬其語小異又碑稱善行絳州人而實錄云晉州爾老子其生以清淨無爲爲宗豈身沒數千歲而區區爲人稱述符命哉蓋唐太宗初起託以自神此陳勝所謂卜之鬼者也史臣既載之於實錄明皇又文之於碑遂以

後來爲真可欺罔豈不可笑也哉

金石錄

慶唐觀紀聖銘今在浮山縣龍角山舊唐書地理志
武德二年分襄陵置浮山縣四年改爲神山册府元
龜載開元十四年九月制曰元元皇帝先聖宗師國
家本系昔草昧之始告受命之期高祖應之遂於神
降之所置廟改縣曰神山近日廟庭屢彰嘉瑞虔荷
靈應祇慶載深宜令本州擇精誠道士七人於羊角
廟中潔齋焚香以崇奉敬

金石文
字記

按元和郡縣志神山縣老君祠在縣東南二十里
武德三年見神於羊角山其年敕通事舍人柳憲

立祠明統志龍角山在浮山東南廿五里本名羊
角山唐武德中更今名老子廟在龍角山唐武德
中神見此山遂立廟有御製碑即謂此碑也碑立
於開元十七年九月己丑朔三日辛卯而通鑑目
錄是年九月戊子朔當據碑以正之山右金石錄
高郵夏載此碑有陰題名五列首皇太子鴻一人
次皇兄皇弟皇子十五人次宗室十三人次宰執
以下三十三人次檢校觀使暨中官九人後有長
慶三年題名一段未得拓本

八瓊室金石補正卷五十三終